

QV AESTIO MEDICA

QVODLIBETARIIS DISPUTATIONIBVS MANE DISCVTIENDA IN SCHOLIS MEDICORVM, DIE IOVIS XVII. DECEMB. M. PETRO DE BEAVRAINS DOCTORE MEDICO MODERAT.

An Congressus publicus virilitatis virginitatisq. examen?

689



ONIVGIVM est maris & foeminae coniunctio, individuum vitae societatem continens, immortalitatis amicum, regnorum & humanitatis seminarium, virginum nubilium, ihericarum, & hystericarum vnica medela: non tantum huic rei destinatum, vt rem habeat cum coniuge coniux, sed vt mutua ope se promereantur. CONGRESSVS PVLICVS insolens huius saeculi commentum, indignum castitate nostrorum temporum, viro potiori iniurium, lex durissima, sexus sequioris pudenda veneri commodius, incorruptam copulam, & sacrum violat vulnere foedus. Quis furor, quae noctelarent in luce fatere? Duortium matrimonij fructus hodiernus, prohi dolor! hodie audacia indomiti, imperiosique animalis, suas vt sibi res vir habeat impetrat.



ON tam indiuidui quam speciei est Medicus, qui ex vestis, & ventris inspectione, illicitoque veneris arcanae duello publico, sitne deuirginata mulier, an impotens masculus, consulitur. Sed heu, vix vnus ex mille in venerem armatissimis, ab hoc impari congressu, victor discedit: nec audit ligamen habenas: nec imperio iudicis, aut iussu magistratus, sicula obtemperat. Quid triennium expectas? nulla nec parienti, ita plantandi hominis, barbæque testium indicis stata dies: nec balneum mendax dolosas mulierum detegit artes. Volentibus nobis flaccescit, nolentibus arigit cristas Penis. Tristitia, metu, odio, verecundia, animum despondet vir. Nec surrectio, & intromissio, masculæ virilitatis, nec clumbis marcor, adnuptias argumentum. Eunuchi facere possunt, non patrare, & tener vxorem ducit Spado.



ENTVLA spongiosa, vnicus deriuandi seminis tubulus, marisque ramus, ligamenti duobus arborefcit, spiritu qui à corde manat turrida, virum facit amplissimum: nec ob vnitatem, pluralitatemque testium, quantumuis internorum, aut varicosorum, aut scroti pæuon, accusandus vir: nec credibile est vnum posse viduæ, qui non possit & virginis arare fundum. Quasi vterus sagax, voraxque animal repentino ceruicis occurfu, pabulum non arriperet? quod si Sympylis naturalis aut aduentitia quædam parens, æque vterus, velatas, aut capistratas facit, si pinguedine obesus genialis thorus, si ad coxam allapsus, si membrana quasi pessulus obftet, si nequeat nisi mensibus irrigata pertundi, si os pubis valde depressum, si vterus prolapsus virginitatem amuletur, virum ego infontem, fontem foeminae, nec libellum repudij viro, sed mittendum vxori pronuntiabo.



NTEGRA & solida puellarum non deuirginatarum Virginitas, est naturalis & primæuus, nec interruptus partium tam concauarum quam conuexarum vterinae ceruicis situs, non rugis, sed crispitudine notandus. Vana quæ Anatomicis de exploranda virginitate hætenus lucubrata; vana decantatissima membrana Hymen. Non dolor ex prima congressione integritatis argumentum; nec digitus obstetricum æque vterus index, cuius ad ingratum tactum vterina ceruix contrahitur, atque colligitur. Nihil ad primam veneris pugnam, fluat, aut non fluat sanguis. Nonne mulieres, vt in viros euadunt, & erumpunt sæpè; ita dilatarî naturæ æstuantis opere, (cui soli in trinam auctio dimensionem concessa) absque viri violentia, casta mente possunt? Nullæ obstetrices virginitatis, e mentita arte, etiam à partu refarciendæ.



VI ad venerem est inermis, suæque impotentia conficius coniugine coniungatur: qui dubius an sit impos, Medicum accersat sagacem, cuius oraculo lis de dubia imbecillitate dirimatur: qui fecunditer hortum muliebrem irrigat, congressu illo publico abstineat. Nulla viro victoria speranda est, vbi inuita mulier, hospitem nunquam admittit priapum, quæ quasi Thracia Baccha, Orpheum verbis vnguibusq. dilacerat; in quo veritas potius obtenebratur, quam elucescit: non quod proteruis non sint multi inepti foeminis, sed quod immatura & præcox iuuenum venus, & quod nutanti, vagoque pullant meretricum diobolarium arietes portas, viros victos, & exsuccos facit, mulieres verò nulla libidine satiatas lassat. Sed quid moror? amor non imperatur, vbi non est consensus animorum, non potest fieri copula corporum. Ergo solus amor perturbationum maxima, coniugalem sollicitat, & conciliat venerem, non satyrion, non vlla ars, aut vllum medicamen, quod naturæ irritandæ natium creditur, non congressus palam nefandus, hominum ignarorum, aut nefarie curiosorum inuentum, dedecus saeculi, sexus vtriusque infamia, quo testibus testes adhibentur, & dum Naturæ arcana inspiciuntur, despiciuntur.

Non ergo Congressus publicus virilitatis virginitatisq. examen. 137

F.M.P.
1788

Proponebat Lutetiæ HVGO CHASLES Parisinus, Anno M. DC. XXVI

DOMINI DOCTORES DISPUTATVRI.

M. Hermannus de Lannay.
M. Philippus Harduinus de S. Jacques.
M. Helias Beda.

M. Franciscus des François.
M. Ioannes du Cledat.
M. Nicolaus Roland.

M. Ioannes Riolan, P. M. R.
M. Andreas le Gros.
M. Ioannes le Mercier.